

---

**AKT THEMELIMI  
I SHOQERISE ME PERGJEGJESI TE KUFIZUAR  
“SECURE COMMUNICATIONS” SHPK**

**THEMELIMI, ZOTËRIMI, OBJEKTI I VEPRIMTARISË, SELIA**

**Neni 1  
Ortakët themelues**

Sot më datë 09.02.2018 Ortaku themelues i shoqërisë:

1. **Z. Gentjan Filaj**, i biri i Haxhiut, lindur me 13.07.1970 në Fier dhe banues në Tiranë, madhor dhe me zotësi të plotë për të vepruar, identifikuar nëpërmjet Pasaportës me nr. BA3016672, lëshuar nga Ministrja e Brendshme dt.22.12.2010;

Harton këtë Akt Themelimi të shoqërisë me përgjegjësi të kufizuar “**SECURE COMMUNICATIONS** sh.p.k., mbeshtetur ne ligjin 9901 datë 14.04.2008, “Për tregtaret dhe shoqeritë tregtare”(ndryshuar), ligjin 9723 date 03.05.2007 “Per Qendren Kombetare te Regjistrimit”, dhe çdo dispozitë tjeter të zbatueshme të legjislacionit shqiptar, si me poshte:

**Neni 2  
Forma Ligjore e Shoqërisë**


- 2.1 Shoqeria “**SECURE COMMUNICATIONS** sh.p.k eshte person juridik i te drejtës shqiptare, Shoqeri me përgjegjesi te kufizuar (me poshte referuar “Shoqëria”).
- 2.2 Shoqëria “**SECURE COMMUNICATIONS** sh.p.k është një shoqëri tregtare, e themeluar nga “ortaku i shoqërisë”, i cili përgjigjet për detyrimet e shoqërisë tregtare dhe mbulojnë personalisht humbjet e shoqërisë deri në pjesën e pashlyer të kontributeve të nënshkruara. Kontributet e ortakeve përbëjnë kapitalin e regjistruar të shoqërisë.
- 2.3 Ortaket gjëzojne kuotën e tyre në shoqëri, në përpjesëtim me kontributin që kane dhënë në kapital.

**Neni 3  
Kohëzgjatja e Veprimtarisë**

- 3.1 Shoqëria krijohet për një afat të pacaktuar.

**Neni 4  
Selia/Adresa e Regjistruar**

- 4.1 Selia e Shoqërisë është: Tirane, Rruga Sami Frasher, Ndertesa Nr. 19, Hyrja Nr. 8, Kodi Postar 1019;



---

4.2 Administratori mund të krijojë NIPT-e sekondare të Shoqërisë.

### Neni 5 Objekti

5.1 Objekti i veprimitarisë ekonomike të Shoqërisë është:

- Krijimi, zbatimi, integrimi i sistemeve te Informacionit dhe Programeve, ndertim i sistemeve te komunikimit ne rrjete, import export tregti te pajisjeve dhe programeve ne fushen e teknologjise se Informacionit, si dhe te sigurise fizike apo kontrolli te aksesit, perfshire ato me perdom te dyfishte. Konsulenca dhe mirembajtje e tyre. Operim, zbatim, dhenie me qera e sistemesh per shitje ne internet. Zgjidhje ne planifikim dhe sistem menaxhimi te burimeve te ndermarrjeve, menaxhim dokumentesh, menaxhim te marredhenieve me klientet dhe zgjidhje te nderveprimit me ta. Integrimi i Sistemeve, Siguria e Rrjeteve, Siguria ne Aplikacione, Zgjidhje ne Menaxhimin IT, Harton, zhvillon, operon dhe mirëmban zgjidhjet digitale të fundit që kombinojnë fuqinë informatike, sigurinë dhe integrimin e sistemeve. Riparime hardware dhe software ne rrjetin kompjuterik(server+kompjutera), Krijimi i Data Backup periodike per ruajtjen e te dhenave ne server, Instalimi i programeve dhe paisjeve IT, Krijim, organizim kurse profesionale, trajnime per perdomin e tyre; Instalimi i lidhjeve me sisteme te jashtme dhe lehtesimi i shkembimit te sigurt te te dhenave; Monitorimin e performancës së rrjetit, menaxhimi dhe mirëmbajtja, siguria kibernetike.

### Neni 6 Kapitali

- 6.1 Kapitali fillestari i Shoqërisë është 100.000 (*njëqind mijë*) Lek.
- 6.2 Kapitali i shoqërisë është i ndarë në 1 pjesë (kuota), me vlerë nominale 100.000 (*njëqind mijë*) Lek.
- 6.3 Kuotat do të mbahen nga ortaku sipas ndarjes së mëposhtme:
- a. **Z. Gentjan Filaj** zotëron 100 % të kapitalit të Shoqërisë.

---

## STRUKTURA DREJTUESE

### Neni 7 Asambleja e Ortakëve

- 7.1 Vendimet kryesore të veprimtarisë së Shoqërisë merren me vendim të Asamblesë së Ortakëve, e cila është organi më i lartë i Shoqërisë, që ka të drejtën të miratojë vendime në lidhje me të gjitha çështjet e aktivitetit të saj.
- 7.2 Çdo kuotë garanton të drejtën e një vote në asamblenë e përgjithshme të ortakëve ("Asambleja e Ortakëve"), të drejtën për të zgjedhur dhe për t'u zgjedhur në organet drejtuese, të drejtën për të marrë pjesë në shpërndarjen e fitimit të Shoqërisë si dhe të drejtat e siguruara nga ky Statut, marrëveshjet midis ortakëve dhe parashikimet e Ligjit Tregtar.
- 7.3 Vetëm Asambleja e Ortakëve do të ketë të drejtë të vendos për çështjet e mëposhtme:
- modifikimin dhe ndryshimin e këtij Statuti;
  - te vendosë për emërimin dhe shkarkimin e administratorëve të Shoqërisë;
  - të zmadhojë dhe/ose zvogëlojë kapitalin e regjistruar;
  - vendosë për shkrirjen, prishjen, likuidim dhe çdo lloj transformimi tjetër të Shoqërisë;
  - të themelojë dhe/ose mbyll degë dhe përfaqësi jashtë dhe brenda Shqipërisë;
  - të miratojë raportet vjetore dhe bilancet dhe të miratojë shpërndarjen e fitimit;
  - të depozitojë padi kundër anëtarëve të organeve të Shoqërisë;
  - të vendosë mbi përvetësimin, shitjen dhe vendosjen e barrës mbi pasuritë;
  - të shkrijë Shoqërinë;
  - të vendosë pagën e Administratorit;
  - të vendosë për caktimin e ekspertëve kontabël të autorizuar;
  - të vendosë mbi organizimin strukturor dhe administrativ të Shoqërisë;
  - të vendosë mbi buxhetin vjetor;
  - të vendosë marjen e huave apo dhënien e garancive nga Shoqëria;
  - të vendosë për çdo çështje tjetër, që i takon për zgjidhje asamblesë së ortakëve, me ligj dhe/ose sipas këtij statuti.

### Neni 8 Vendimet e Asamblesë së Ortakëve

- 8.1 Vendimet, të listuar më sipër, në lidhje me ndryshimin e këtij Statuti, caktimin e pagës së administratorëve, zmadhimin dhe zvogëlimin e kapitalit, shpërndarjen e fitimit, marjen e huave apo dhënien e garancive nga Shoqëria, organizimin dhe shpërndarjen e Shoqërisë kërkojnë një shumicë të cilësuar prej 75 % të ortakëve prezantë ose të përfaqësuar në

---

asamble, në bazë të kërkesave të kuorumi të parashikuara ("Shumicë e Cilësuar"). Të gjitha vendimet e tjera të Asamblesë së Ortakëve mund të miratohen me shumicë të thjeshtë të ortakëve prezent apo të përfaqësuar në asamble, në bazë të kërkesave të kuorumi ("Shumicë e Thjeshtë"). Përjashtimisht, vendimet e Asamblesë së Ortakëve për caktimin e administratorit miratohen me Shumicë të Cilësuar. Nëse Asambleja e Ortakëve nuk arrin të sigurojë shumicën e nevojshme për caktimin e Administratorit/ëve me Shumicë të Cilësuar për dy herë radhazi, atëherë Administratori/ët i/e Shoqërisë do të caktohen me Shumicë të Thjeshtë.

**Neni 9**  
**Mbledhja e Asamblesë së Ortakëve**

- 9.1 Asambleja e Ortakëve do të thirret nga Administratori i Shoqërisë të paktën një herë në vit në selinë e Shoqërisë ose në çdo vend tjeter të përektuar në njoftim brenda gjashtë muajve të parë të çdo viti kalendarik për të miruar pasqyrat financiare të Shoqërisë të vitit të mëparshëm financiar.
- 9.2 Asambleja e përgjithshme thirret nga Administratori edhe nëse,
  - a. sipas bilancit vjetor apo raporteve të ndërmjetme financiare, rezulton ose ekziston rreziku që aktivet e Shoqërisë nuk i mbulojnë detyrimet e kërkueshme brenda 3 muajve në vazhdim.
  - b. Shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të Shoqërisë, që rezulton në pasqyrat e fundit financiare të certifikuara.
  - c. Shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të Shoqërisë, që rezulton në pasqyrat e fundit financiare të certifikuara.
- 9.4 Asambleja e Ortakëve do të thirret me njoftim me shkrim të lëshuar nga administratori, i cili duhet t'u dërgohet përfaqësuesve të ortakëve me letër rekomande ose faks ose postë elektronike (e-mail) jo më vonë se 7 (shtatë) ditë përpëra ditës së caktuar për asamblenë. Njoftimi për ortakët duhet të përcaktojë datën, orën dhe vendin e mbledhjes së asamblesë si dhe çështjet përticularë se është diskutuar (rendi i ditës) dhe, në rast të një asambleje të zakonshme të ortakëve, duhet t'u përfshijë pasqyrat e plota financiare dhe raportin e administrimit.
- 9.5 Çdo ortak ka të drejtë të përfaqësohet nga një person tjetër në përputhje me nenin 85 të Ligji të Shoqërisë Tregtare.



---

**Neni 10**  
**Administrimi i Shoqërisë**

- 10.1 Shoqëria do të administrohet nga një administrator i vetëm.
- 10.2 Administratori ka të drejtë të përfaqësojë Shoqërinë në mënyrë të plotë për administrimin e zakonshëm të saj si edhe të drejtën për të miratuar të gjitha vendimet që i gjykon të përshtatshme për arritur dhe përbushur qëllimin e shoqërisë, me përjashtim të vendimeve që me ligj i takojnë Asamblesë së Ortakëve.
- 10.3 Administratori mund të autorizojë palë të treta për ta përfaqësuar atë në transaksione të veçanta me anë të një prokure të hartuar para noterit.
- 10.4 Të drejtat dhe detyrimet e Administratorit janë ato të përcaktuara në Ligjin e Shoqërive Tregtare, këtë Statut, vendimet e Asamblesë së Ortakëve dhe rregullat e brendshme të administrimit të Shoqërisë.
- 10.5 Administratori ka të drejtat dhe detyrimet e mëposhtme:
  - a. përfaqësimin e Shoqërisë kundrejt palëve të treta dhe shtetit;
  - b. hapjen e llogarive bankare të Shoqërisë me bankat;
  - c. përfundimin e marrëveshjeve me palët e treta, lëshimin dhe marrjen e urdhër pagesave;
  - d. nënshkrimin e të gjithë dokumenteve, lëshimin e faturave, transferimet në monedhë të huaj, fletë ngarkesat etj, pagimin e detyrimeve të Shoqërisë dhe pranimin e letrave me vlerë nga palët e treta;
  - e. mbledhjen e detyrimeve që i takojnë shoqërisë;
  - f. punësimin dhe shkarkimin e stafit të Shoqërisë, përcaktimin e pagave, shpërblimeve dhe pagesave të stafit;
  - g. marrjen e masave paraprake për mbrojtjen e interesave të Shoqërisë, ngritjen e padive dhe marrjen përsipër të mbrojtjes së Shoqërisë në rast të padive kundër saj; administratori mund të udhëzojë avokatët të mbrojnë Shoqërinë dhe mund të përcaktojë shumën e shpërbimit të tyre me miratimin paraprak të Asamblesë së Ortakëve;
  - h. administratori ka të drejtë të ngrejë padi dhe t'i térheqë ato, të nënshkruajë marrëveshje gjyqësore, të myllë marrëveshje arbitrazhi, të caktojë arbitra, të térheqë paditë e ngritura nga Shoqëria dhe të ndërpresë procedimet por në cdo rast përpëra kryerjes së ndonjë prej veprimeve të mësipërme, administratori duhet të marrë miratimin e Asamblesë së Ortakëve.
  - i. ndërmarrjen e të gjithë veprimeve të tjera që i takojnë aktivitetit të përditshëm të Shoqërisë nga pikëpamja e ligjit dhe këtij Statuti;
  - j. mbajtjen e llogarive në përputhje me ligjin dhe parimet e kontabilitetit;



- 
- k. përgatitjen e pasqyrave vjetore financiare të Shoqërisë dhe kontrollin e tyre nga auditorë të jashtëm nëse kjo kërcohët nga ligji ose nga një vendim Asamblesë së Ortakëve;
  - l. thirrjen e mbledhjeve të Ortakëve; përcaktimin e rendit të ditës; monitorimin e përbushjes së dispozitave që kanë lidhje me thirrjen dhe drejtimin e mbledhjes së Ortakëve për shpalljen e vendimeve përkatëse;
  - m. të vendosë në dispozicion të Ortakëve të Shoqërisë sa herë që të kërcohët prej tyre informacionet, raportet dhe dokumentet në lidhje me shpenzimet e Shoqërisë, gjendjen e llogarive bankare, inventarin, deklarata për të hyrat, deklarata tjera financiare, fletëparaqitjet tatimore të Shoqërisë dhe auditet, nëpërmjet formës së kërkuar dhe njoftuar nga secili Ortak, si p.sh. nëpërmjet faxit, postës elektronike apo postës së zakonshme.
  - n. kryejnë regjistrimet dhe dërgojnë të dhënat e detyrueshme të Shoqërisë, siç parashikohet në ligjin për Qendrën Kombëtare të Regjistrimit;
  - o. cdo detyrë tjetër të parashikuar në ligj.
- 10.6 Administratori i Shoqërisë mund të shkarkohet nga pozicioni që ka në Shoqëri në çdo kohë nga Asambleja e Ortakëve me Shumice te Thjeshtë.
- 10.7 Personi i mëposhtëm do të caktohet si Administrator i Shoqërisë për një afat **5 vjeçar**:

**Z. Gentjan Filaj**, i biri i Haxhiut, lindur me 13.07.1970 në Fier dhe banues në Tiranë, madhor dhe me zotësi të plotë për të vepruar, identifikuar nëpërmjet Pasaportës me nr. BA3016672, lëshuar nga Minstria e Brendshme dt.22.12.2010;.

## 25.1

### Neni 11 Viti Financiar dhe Dividendi

- 11.1 Viti Financiar i aktivitetit të Shoqërisë përkon me vitin kalendarik, fillon më 1 janar dhe përfundon më 31 dhjetor të çdo viti.
- 11.2 Pas përcaktimit të fitimit të Shoqërisë në përputhje me pasqyrat financiare dhe pas përbushjes së kërkësave së nenit 77 të Ligjit për Shoqëritë Tregtare, fitimi i Shoqërisë, deri sa të shlyhet shuma e investimit fillestare, ndahet midis ortakëve sipas përqindjes së tyre në shoqëri.



---

**Neni 12**  
**Mosmarrëveshjet**


12.1 Per mosmarreveshjet qe mund te lindin ne lidhje me zbatimin apo interpretimin e ketij statuti, si dhe per çdo mosmarreveshje qe mund te linde midis Shoqerise dhe te treteve, do te jetë kompetente Gjykata Shqiptare.

**Neni 13**  
**Dispozita perfundimtare**

13.1 Ky akt themelimi u redaktua ne 2 kopje me permbajtje dhe vlera te njejtë juridike, ne gjuhen shqipe, u miratua ne parim nen per nen nga Ortaku i shoqerise tregtare “**SECURE COMMUNICATIONS**” sh.p.k nenshkruehet ne të gjitha kopjet duke vendosur emrin, mbiemrin dhe firmen orgjinale.

**ORTAKU THEMELUES I SHOQËRISË “SECURE COMMUNICATIONS” sh.p.k.**

**Z. Gentjan FILAJ**

A handwritten signature in black ink, appearing to read "Gentjan Filaj". The signature is fluid and cursive, with the name "Gentjan" on top and "Filaj" below it, enclosed in a stylized oval shape.